



04633

江湖閒吟卷三

五言古體詩

有會而作

宦海沉淪莫返邦  
族明發有懷詩以志感題本  
徵君非敢擬陶

孤兒無父母有孫亦有兒  
一氣相聯屬無非父母遺血  
氣日以衰二人曷能知平生  
飭操履履虎不忘危哀來  
聊記述援筆涕漣洏


十五尚無志何能讀父書  
三十猶無聞孀親日倚閭所  
鹿皇詩集 卷三 一

好惟雕蟲樂與長者居  
道未見端倪藝已播虛譽  
日月忽不留莫返此居諸

解組爲歸田有田不獲歸  
將母已無日夜夜夢庭闈未  
飢益我食未寒添我衣  
顧此罔極恩醒後尚依依  
髀首飽淒風卜兆願有違  
遙看原上草猶自戀春暉

不敢輕訕上諂瀆其何能  
於時有母在戰戰復兢兢良  
恐墜且陷莫脫淵與冰  
艱難幸不死雖老猶人形  
他年得全歸空嗟枉此生

此生如蠖屈何處可求伸  
遮藏無介冑奮發靡髻鱗  
辱在泥塗間困頓豈有神  
猶勝螳螂臂怒以當車輪  
刀鋸





與斧鉞幸不及其身

雲端十六龍一龍墜江汜須臾亦上昇潛見有如此昔  
爲貴人矜今非十室宰昔爲貴人矜今爲賤者鄙自非  
孔顏模可行誰可止

盛年不自檢暮齒乃知非謀道不謀食豈不在德輝鳳  
凰遊雲霄翱翔無渴飢虎兕率曠野猝然遇重圍萬物  
各乘時君子慎先幾噬嗑得卦繇其機亦已微

縣官詔蠲租羈旅無公田縣官例封典鵷職有前愆豈  
不負湛恩徒增犬馬年千金脫重累一杖托神仙采薪  
兼賣藥歸臥白雲天

鹿臯詩集

卷三

二

終年不夜遊恐逢灞陵尉白日亦開門射工尤可畏有  
客叩柴荆載酒醒腸胃我字本無奇曷爲問者慰愛此  
授餐情助我寬閒味一飲輒陶然日高興猶未

駿馬尚可羈去日苦難追平生貴快意失路在臨岐轉  
蓬霄壤間頽風西北吹何處爲故土瞻望涕沾衣揮涕  
達申江遠溯漳水湄

天邊有匏瓜流光照戶隅坐對永今夕聚散念吾徒遠  
者居廊廟近者落江湖他山同砥礪窮達有殊模鴻鴈  
慕儔侶伊誰歎我孤

今年鬚髮斑浮垢有厚顏故人舍我去墓木拱深山植

梓應先伐植樗猶得閒草木與人事性命見機關方知  
無用用寧須講大還

丞相不樂生

高安相國有瘕火之疾往往而劇

尚書亦思死

沈閣齋家宰患泄不

肯治歎息子頻聞先後躡箕尾佩紱豈不榮功成退爲美  
春秋有代謝生死亦常理天心不我憐顛連至沒齒乾  
筆罷書裙往往作人誅

一琴久無絃一劍久無鐔何以吹一呖雅奏薰風南有  
類屠龍技無用自稱諳投閒亦可喜世俗爭誦誦當遊  
廣莫野日與大瓠談

我無放翁狂羣兒隨其後問兒亦何爲聞公佩容臬列

鹿皇詩集

卷三

三

肆皆鮑魚腥羶觸人嗅禮防聊自持乃遭流俗詬何當  
飲狂泉亦入國人囿

足疾欺吾衰無方鋤其種借宅近河廢不忍見微腫斯  
人笑我剛私語亦尚勇君子貴精義暴亂素所恐至人  
重天機其息深以踵風氣不能干焉肯受牢籠

江村無豺虎所產盡蟲蛇與人爭此土毒螫寧有加我  
見常股栗遠害憶山家出入惟竹杖躑躅又咨嗟由來  
卑濕地不獨在長沙

韓柳始南食賴汗記未曾吾亦南國人飲食無不勝惟  
龜知吉凶雖老不忍烹匝地有枯桑雖爛非美羹虎魚



腴且甘大嚼忘虎形藉茲旌嫉惡嗜之豈有憎

翠鳥巢珠樹琅玕宿鳳凰物類相感召人情苦分張大  
兒歌出牧中男賦出疆巍巍四五子各坐讀書堂一簞  
但麤糲一壺具椒漿迢迢南北路何以爲樂康

吉日排酒肴良時烹羔豚先公同慈姥陟降往來魂先  
公愛黃魚慈姥愛蘭蓀所樂與所嗜一一告諸孫大者  
猶及見小者得傳聞絕勝祭於野被髮禮不存

先公澤在手慈姥澤在口不能讀且飲書酒無不有鵠  
鵠飛且鳴杖杜在林藪老至覺支離衰來益奇醜願言  
無急難原隰負朋友

鹿皇詩集

卷三

四

高梧忌秋霜亢直老朝陽白露歎焉結曷能長蒼蒼盛  
衰各有時天道况靡常今之繞指柔昔爲百鍊剛所夢  
非姬公吾衰庸何傷

不忍棄敝衣縑絲又重補不忍棄決履穿鍼又重組所  
幸無褊心茹荼泯甘苦故人在長安餽遺出內府非分  
致厚貲良恐自取侮藏之篋笥中物壞情莫腐

古琴有異形宮商無異聲爲君彈別鶴滿座俱涕零人  
心最易感離別爲真情况乃長契濶雲水萬重青何期  
執子手偕老梁山垓

芰荷紉爲衣悲秋不禦寒鋪糟兼啜醢薄酒亦心酸下

士不及識達者托所歡雖有金縷衣何如敝褐完雖有琥珀春何如飽一餐徵君方乞食衡門莫閉關

嘗飲黃河水又食河魴鯉氣味異人間安能長有此嗜  
慙亂吾真生事貴知止人苦不自知行行昧前軌中夜  
覽明鏡形影猶非已朝朝對槃匱取鑑於止水

種草當種萱植花當植葵萱能忘人憂葵根終不移移  
之不衛足葵心亦已悲嗟爾二三子居高能不危吾足  
幸無恙庶幾不辱虧

上天垂春雲不日又重陰驕陽在何處勞我負恒心風  
雨不同方日月長照臨沐浴在其中百寶逾南金人言

鹿臯詩集

卷三

五

天有寶安受足惜惜

人爵不可期天爵不可虧平生飭忠信將爲蠻貊施一  
朝得訶譴忠信方自疑見石思其堅見韋戒其脂吾道  
在卓爾雖老無轉移

置酒高堂中哀白爲上賓無爵又無德我豈異伊人彬  
彬子弟行杖履奉逡巡大聲呼忘年衆賓敬益伸不赴  
雞豚社敢與醬爵倫縣官善養老粟帛猶可分

不爲人所識狹道每見擠宛然急左避失足落春泥濯  
之萬里流不赴九曲溪流長溯其源溪小路終迷眊彼  
東逝川清濁費品題



此間得佳趣米賤菜花肥八口上農家饗殮未苦飢青  
黃或絕糧貸粟爲解圍不向監河侯鄰叟幸相依頻年  
吾事濟無須采薇薇

墨池長不乾毛穎得其職池水有源流穎粟嘉禾實古  
視爲良田赤手勤稼穡所懼致荒蕪慵懶不用力主伯  
俱在予鋤耨無德色

天目遠山客遺我以貳兒春田有此獸仁恩洽可知揮  
手自解剝一刃貫其頤顧盼類陳平再刃抉其皮伊彼  
几上肉作脯細紛披何必劈麒麟求仙問瑤池可以當  
大烹無慕太廟犧

鹿皇詩集

卷三

六

齋心常食淡不散水晶鹽和以椒與薑勵其介而廉比  
年無腹疾滋味轉成甜從無顯者來容得老夫潛昨日  
過田父春盤雞黍兼一酌不知醉扶歸月撼撼少陵亦  
泥飲自放豈爲嫌

東園一草堂河水環洋洋飢來聊可樂淹滯七年強移  
居稍近市戶外別閒忙貧來欲學卜一厘未開張君平  
簾下坐得錢日有常祇恐女兒子錯認爲韓康

訪我度阡陌逆之水墻門洄湖不相左所過非高軒坐  
中無俗客勢利幸勿言趨世患不明出世患不分行藏  
豈一轍吾道固難論

爲邑無城池爲街無十字惡少橫且縱非猛不可治去  
歲騎屋山踉蹌告官吏盡攝刑其膚僅免尸諸市舊令  
非不仁茲邦多盜氣新尹亟到門厲禁掛明示以禮防  
庶民依稀見古意有如盧玉川昌黎奮其勢買羊復沽  
酒明日復招致

我思在甬東

謂陳心齋先生

夫子真愛我授經戒其荒入道戒

其頗時方病且羸扶翼出坎坷期許狂狷間猷爲無不

可回頭五十年所造亦瑣瑣辜負提命慙徒爲一碩果

我思李篤素

謂李祁山先生

館我天海山英英汀漳伯出入無

閉關圖史紛左右引之籤軸間坐令致青雲要觀名實

鹿臯詩集

卷三

七

班流光五十載霜雪滿頭斑惜公不復見徒老又何顏

將軍氣如虹

吳子衡提帥

尚書健若鶻

高東軒冢宰

與我近庚申

彼羸此乃絀相見各忘形峩峩頭角出異人本天生神

寒重在骨我以山水灔稍勝賈島佛

敝輿不忍棄迴廊度春夏唯蓋無一存不敢畜狗馬烏

雞愈頭風不病胡爲者欲學祝家翁相與謀於野辭貴

而取富智豈陶朱下

朝衣織山龍其光猶葳蕤鄰人輒來假吉日荷榮施念

此係名器與共豈爲宜藏之篋笥中筦鑰獨自持送老

重章服大尹具威儀將以見



先皇莫言臣職微

晨興拂几案始覺市塵離大車與廣厦自取將無同提  
攜一敝帚庭內洒掃空匪博千金享拮据戒踈慵蠲潔  
稱我心仲舉豈英雄

幽居近官衙朝朝聞伐鼓見獵無喜心多盜覺心苦不  
忍猛而寬爲治終無補古之遺愛人刑書卽政譜閒來  
常讀書敢云聞見普居停猶在茲采風告文武

不入城府久渡江無安車江水洶且惡失舵縱所如我  
生豈不達安危破拘墟不死於道路可以葬江魚祗因  
無事役猶自愛吾廬

鹿臯詩集

卷三

八

浮雲無根蒂油油大海東宦遊不顧返滯淫躡雲蹤海  
水不上天揚波由天風舟楫爲之絕商旅不得通嗟汝  
遠行客與我在愁中

愁來天地塞愁破天地開瞻仰日光華如子在母懷有  
母天地喜無母天地哀旣廢蓼莪篇又刪補南陔廣微  
太多事續經安用哉

無人去地下寄書與二人兒老不敢死負土欲成墳西  
郊雞籠山山秀水有神奉母附爺側禎祥啓子孫行將  
築一廬掃洒侍晨昏雖衰猶及辦甘與虎豹鄰

鸚鵡思隴山文章亦顚顛籠中拙語言告哀實慚愧低

頭思故鄉幸免鴟鴞鷺羅爵滿林邱無禽不驚憚隴山  
萬里遙枉下相思淚

白髮同秋草不拔亦蕭疎去年落兩齒存者盡欲除自  
顧已可憎宜世莫宗子登高爲望遠宇宙一穹廬茫茫  
無所見還思太古初

骨肉已無多有妹亦蹉跎一生而一死幽明傷如何爺  
娘昔分愛禍福乃殊科手足致乖異終身抱沉痾我行  
負神明莫謂彼蒼苛

青松在東園結交非一旦前歲折長條今歲落老幹有  
如齒髮稀根柢不終爛好風自南來頽風從此散時或

鹿臯詩集

卷三

九

作龍吟天地爲長歎老此棟樑材誰令生野岸

禍來常無根福至亦有原曷不學庸庸爲此受福人聰  
明伐性斧文詞絕命斤垂老懷史筆不作封禪文良恐  
所忠進後世有遺論

古井非不清常汲亦自渾人生有智慮禍至易爲昏嗟  
汝自投閣寂寞揚子雲太玄欲準易吉凶乃不分下士  
常大笑千載猶如聞

潛魚莫脫淵宿鳥莫去林后羿能射飛漁師方入深人  
生貴保終母爲械所侵魚或完於淵鳥或歸於岑二物  
曾不若世網密且沉竄逐亦常事疾痛鳴楚音不老竹



皮冠乃使抽華簪

形骸埋土中莫辨賢與愚面目在人間猶論肥與癯我  
癯惟自覺我愚衆所呼何敢曰子智吾獲幸勿驅與世  
漸無患保此七尺軀

古稀已不遠從心境尚遙讀易做假年畧識長與消不  
坐蒲輪聘不往車乘招康衢擊壤民何曾免神堯吟詩  
送日月按節當歌謠苟有知我者共樂

聖明朝

擬古

愁來無端興至無緒擬古諸作猶隨事劄記爾

鹿阜詩集

卷三

一

雖涉風雲亦歸性命

重華愛其弟泰伯善爲兄姬公何不幸爲國致東征恩  
義難兩全不失權與經至人握大象倫物此權衡可惜  
江河下無能與地爭

外戚千萬戶老父一杯羹實封與權辭言行皆不經人  
心厭秦政興王功易成惜哉重瞳子氣力盡無名三讓  
亦快論詎曰肆譏評

屈翁山謂重瞳三讓一讓不殺沛公再讓不都關中三讓不渡江東

亦快論也

屢屢烹伏雌五羊爲食牛何會有此事厚誣百里羞大  
人飭細行出處具謨猷豈有棄其妻而以汙自謀當時

策士輩苟且居下流却教賢且智藉口致咻咻禽獸亦  
何幸名與賢智留

春風生百卉禽鳥聲啁啾桃李各自媚蘼蕪被道周伊  
彼治遊子意氣策鳴騶行行挾金彈有似富平侯駕言  
欲適野瞻望寫我憂荆棘滿前路凜乎不可留悠悠路  
上人一揖非我儔時無管夷吾身名將何酬

燕市得古琴可以鼓號鍾一鼓地祇出再鼓天神通鳳  
凰亦來觀不啻歌南風舉世莫能聽棄置錦囊中異物  
非不貴雅調衆皆蒙號鍾久不作吾道宜固窮

豺狼在中野猛虎鎮巖巘人肆其力力盡還就烹騶

鹿皇詩集

卷二

七

虞希世出飢餓不貪生百獸皆退避誰謂仁無能有苗  
亦異類千羽兩階平置身唐虞際不見戰與爭  
君騎青驄馬我策款段騅青驄有時蹶款段忘其疲側  
見野雉飛決起十丈餘不踰隴畝間焉能度山陂人生  
貴善守捷足又何爲

北方長葛生蔓延滿幽谷良工執斧斤刈穫充杼柚織  
絺貢上方葳蕤比蟬翼至尊爲嘉歎下陳服無數南山  
葛更長條條風中舒過時不見采嚴霜被凋枯樵者束  
其薪燔燎將何如遭逢難一類詎云材質殊

我遊滄海濱蕭條多悲風遙見海中石纍纍如兒童豈



是秦人驅未嘗到海東十洲匪人境人跡焉可通萬人  
無一返徒爲波浪雄

松栢在高岡上有女蘿草女蘿死復生松栢猶未老清  
風春夏涼霜雪歲寒飽皇天愛其材精華令自葆不見  
動忍人德成首已皓

故人顏尚紅嗟子頭已白餘年寧有幾暫爲逆旅客矯  
首望中原猶有苦飢溺人事挽天時誰抱此悽惻昔與  
二三子同志如同室昔爲連理枝今作荆與棘繁枝徒  
有刺秋實不可食知人良不易結交復何益

女德重不爽士行在無貳抱布貿絲人卽謀言易遂夏  
鹿皇詩集

卷三

三

姬得異術顏色妖且媚縣陳復敝楚歸晉未顛顛荒淫  
至暮年千古亦無二哀哉兩髦婦柏舟矢其志玉顏苟  
自珍不嫁有何累

四座且莫譁聽我歌一言看君屋上瓦本自出陶甄質  
者爲土室華者上朱門人事一朝改朱門碎不存土室  
尚無恙參差猶獨完回首田中泥貴賤寧有分成敗致  
若此高華安足論

玉粒貢至尊播穫由農夫犧牲享上帝豢養以束芻事  
貴廼用賤萬國拱王都巖穴有奇士草莽出鉅儒棄置  
不復顧何以致唐虞鳳衰麟亦泣終老泰山隅

柱中生白蟻大厦爲傾墮燕雀堂上居倏忽變成灰主  
人千萬戶火炮隨風埃煌煌通侯印若若土中埋生時  
豈不貴惜無徒薪來

蔗竿長一丈寒漿勝酥油嚼喫先末節其味始到頭男  
兒處季世無功良取羞太上貴立德勲名非所謀鼎鼎  
百年內禍福惟自求拙哉文中子一出歸林邱精華亦  
已竭空憶夏商周

蕭蘭生一區氣味不同芳共是三春草人情有抑揚拔  
蕭損厥蘭去惡還有傷帝舜鋤四凶秦穆殉三良聖狂  
從此別大道豈不昌

鹿臯詩集

卷三

三

五陵遊俠子一手挾兩弓左射玄狐兔右射老羆熊金  
丸如流星箭羽如飛鴻一朝赴邊急羸於塞上翁弓箭  
猶故物鎧甲無奇功由來紈袴兒意氣閭里雄

璞玉人不知刀錐世所爭宵小貴苟且君子無伐矜德  
深逾海水功高踰山陵當時不自銜垂爲萬世名守先  
兼待後詎爲萬乘榮

隰桑阪有漆伐者無虛日春來還復生何曾畏斧鑕人  
生如草木有華斯有實車馬弗馳驅重趸嬰足疾衣服  
弗曳婁藍縷生蟣蝨但知守庭內不防人入室

神龍有上角亦復有上齒所以異牛羊麋鹿不可比伊



誰擾而秦古昔傳劉累荒唐遂浸淫學屠稱絕技我欲  
攀其角恒恐拔其尾矯首白雲端瞻望不能已

公輸爲夏屋輪扁爲廣車大人有異用動靜隨卷舒出  
則騁天下處則守吾廬仁義卽膏粱不歎食無魚聞譽  
卽文繡不曳侯門裾陋彼公孫張欲進徒趲趲

織得雙鴛鴦裁成合歡被夫君京洛遊賤妾長獨寐中  
夜捲羅幃明月懷中置妾心隨月孤妾影隨月墜三五  
有時圓方知不相棄

前有一樽酒持爲主人壽天下久太平庶民貴且富農  
官儼薦紳多穀又多豆不數金與張不侈田與竇但得

鹿皇詩集

卷二

十四

百畝庄勝于提印綬祇恐枉殺人縣官不能宥

梗楠生深山衆木讓獨秀牧童放野燒一炬無先後惜  
此棟樑材大匠不遑救南國有茝蘭萋楚同暢茂棄置  
人不收終老不自寇微物亦得時詎爲天所厚

敝褐紉爲裘殘粥煮作糜匪可長溫飽禦寒又止飢不  
飢賤八珍不寒棄繭絲此心不知節如水赴天池百川  
猶未足萬谷亦無餘倘能滿不溢居高亦何危

贈君錦繡段報我珊瑚枝贈君金壺液報我玉卮匱君  
有殺父仇我有千金椎誓將不共生袖椎同所之中道  
聽讒說謂我力不支全身爲令謀歸臥南山陲

覽古自皇墳狂者謂糟粕含咀吸其精奚啻飫醇醑經  
訓乃菑畲不耕胡得獲狂者直真情聰明多自作常恐  
迷其方聚鐵難鑄錯

官禮豈誤人舊章由自昔苟無睢麟模舉世俱遭阨莽  
賊無仁心繼之在安石遂使耳食輩學古謂無益先師  
夢姬公官禮有遺澤吾衰周亦衰文武應痛惜

河干白楊樹交柯垂清陰曉鳥萃止鳴喜鵲弄好音主  
人無疾病喜懼不能侵穉子挾飛彈鳥鵲投前林喜懼  
在禽鳥於人更何心

殘冰疊作山不近神猶寒有如地畫獄遠避去人間刀

鹿皇詩集

卷三

十五

鋸固乘威水火亦行權得時爲廷平下民無煩冤所以  
于公門高大子孫蕃

天風激海濤風順舟更利終朝不得泊搖搖何造次平  
生寡驚怖至此防失墜撫心無慚忤雖險當用濟蹄涔  
可殺人莫謂禍機細

羆本不仁豔玄獺亦非仁乘時祭其祖豈欲學爲人造  
化鑄萬物靈蠢各有真鋤耰生德色不復知爲親採薪  
與負米吾黨重羹倫

五星何歷歷五嶽何稜稜哲人應列星亦復稟嶽靈傳  
說申及甫皆爲三代英帝王重師相入道致化成漸流



爲具官星嶽移其形

湘芷澧有蘭精潔號水仙不遇屈靈均泯泯亦無傳楚  
地多芳草楚水復連天長沙最早濕賈子獨留連寧讀  
哀郢詞莫咏鵬鳥篇

張良亦人傑長與赤松遊不忍見菹醢寧貪萬戶侯成  
功應受賞詎爲快恩讎苟能長揖歸抗志非常儔天子  
不得臣大名垂千秋

庭前一樹梅標已過其時吉士見梅喜女子見梅悲蒼  
黃結恩愛吉禮非前期今年喫梅子明年抱男兒指梅  
爲良媒有家不爲嫠

鹿皇詩集

卷三

七

美女老不嫁隣兒方長大不嫁惜娉婷杜句莫使旁人訝  
佳禽擇喬木智士辨王霸深源與景畧名心猶未破不  
見隆中人再顧猶堅卧

申公老經生不出有令名一言幸破的爲治在力行當  
時刺豕圈不中有何能非帝假其利安蒲亦無稱平津  
但布被庸碌荷殊榮人生貴遭際垂老重行行

大易卜筮書所主非一事春秋重垂戒星變固當識欲  
將人事配焉知聖人意有合有不應遂使天人異董子  
二三策敷陳極純粹惜奏未成書暮年取謬戾雖孽在  
門人禍至得毋悖

先師重詩教頻呼汝小子興觀羣怨間二南尤有旨讀  
詩本窮經作詩亦窮理其源出性情其歸禮義止一變  
爲風騷再變爲蘇李末流難具論濫觴至靡綺

內有上柱國外有二千石友朋盡權貴推引獨無力孝  
弟力田科茂才在名實明詔莫一應循良焉可得刀筆  
爲公卿通侯及恩澤不有魏無知終嗟賢路格

曉起必新沐耳目淨聰明洗濯及其心舊惡一以清古  
帝念武湯智勇天所生聖敬日益躋爲功屬盤銘訓詞  
固昭揭敢謂吾無能朝朝見盆水沐與浴同稱

畫布作鴻鵠天下齊張弓

陳恭尹句

禽獸皆可取曷不畫罷

鹿皇詩集

卷三

二

熊鴻鵠能高飛矯矯雲霄中君子惡下流射之返其躬  
有力不及巧亦足稱英雄

無賊猶點兵寇至方偃息僕射如父兄子弟太不職古  
者立軌連民兵練軍實守望致救寧不糜在官食何代  
無方召召兵防貴整飭

嘲風不似龍鼉肩號龍種變化靡有窮或入藕絲孔

謝臯

羽詩云神龍逃入藕絲孔地用莫如馬其神通蠶蛹萬物各不齊生  
生氣所籠原始又反終齊之識已洞

至人善達生言生不言死至人善攝生存歿歸於理異  
教誑愚氓引入虛無裏天上靡神仙人間有厲鬼乾死



服其辜誰能別識此不死爲猛獸爲害方大矣

異端之禍甚於

洪水猛獸陽儒陰墨則又甚矣

鸚雀戲籬間增繳若不知羣鯢處尺澤網罟無所施何  
彼雉兔鯉漁獵起重圍傷生爲腴美全身在細微盜賊  
憎主人非仇利其肥誰能積而散止足無居奇

黃山變爲海海水有樓臺氤氲曉氣結無地非蓬萊

王阮

亭云早行見前路茅舍籬落近之卽無如蜃氣然

人間一幻夢珠玉亦塵埃觀

物又觀我惟當外形骸及時且行樂莫使後人哀

春秋非我有燕鴻自來去春秋爲我有衣服自嘗試發  
憤不知愁勞苦忘其勸萬卷活老蟬飢飽在文字老至

鹿皇詩集

卷三

六

方假年未解彼蒼意一春復一秋寬閒天所賜

銅餅挹江水養此四時花花以餅爲家水清無有涯壯  
士遭困辱良玉毀成瑕白圭玷可磨洗辱屬莫邪世無  
歐冶子逢人徒歎嗟

困辱顏有汗非從服藥求下士固恒爾賢聖豈其儔孰  
殺吾其與不爲國僑愁適陳復之蔡先師曾何憂道大  
莫能容衆口徒悠悠大都處季世懷垢又含羞

昌黎直倔強照壁喜見蝸性命委南方無愁若是愬炎  
州更怡然大蛇甜口舌平生藜莧腸到此已決裂生惟  
不顧歸死亦表奇節放還天地仁竄逐致身潔

昌黎倔強東坡

之論也謂其不服神  
仙一生大槩如此

十指能屈伸肩背亦無病邪色不敢看淫聲不敢聽人  
言謂聵聵馬牛俱不應渴飲濁水源飢咽麤糲梗濁水  
有時清麤糲終更令

伐石翻見璞掘地又得金坦然去不顧方知君子心繫  
馬却千駟露肘爲捉襟戶外聞歌聲響逾金石音堂前  
鵠書至猶自費沉吟知稀我亦貴陋彼碎胡琴

采薇復采薇初葉小如拳山蔬有嘉味青脆入春盤深  
山有猛虎擷攬日往還愛此義士糧莫使戍婦歎旣剛  
猶不采翹翹雜榛菅樵者揮斧斤爨下付燎爨

鹿臯詩集

卷三

九

當局有奕秋日解庖丁牛二人精其技非能與道謀吾  
道本在適率履誰能修禮門兼義路君子蓋油油繩行  
懸度險鼠穴鬼國幽平生不失足傷足又何憂

役者爲國相國相復爲役青蓮亦有言一體更變易逸  
豫常不安勞苦不遑息夜夢豈晝思勞逸各有得未見  
蝴蝶周東方忽已白

七子皆漢人乃遭漢魏際當年公讌詩五官得其志宋  
公亦卓犖靈運方曲意不有陶徵君風雅幾失墜長歌  
歸去來五柳高位置三復飲酒篇絕調莫能繼

司馬取其潔孟堅取其密造詣各不侔精嚴致若一起



翦揚其旗孫吳執其律高壘在中原無能分得失惜不生一時觀厥共載筆

南山與北征平甫有定評南山可不作北征孰抗衡豈不在忠愛家國見真誠先賢非苟述詩文共章程行文準昌黎歌詩奉少陵道藝有元氣庶以達吾生

太行天下脊太華入雲青峯頭開玉井毛女毓山靈有如姑射仙冰雪肌體輕手握十丈蓮足躡芝九莖神人不可見行路翹且停函關出虎豹聞者皆震驚山前與山後年年不得寧

山東非多盜盜起自山東嗟汝秦漢民阨運遭其窮父

鹿皇詩集

卷三

二

兄爲塗炭子弟猶戰攻何地無真人未出故爭雄社稷在畎畝有德成大功天命固靡常恃險亦何庸戍卒叫函谷相從到關中

吉貝白如雪纁車細於絲織布爲大被覆翼五男兒小者尚黃口問兄何所之分張各異縣兄嫂不相隨朝朝念離別涕泗常交頤春來燕燕飛不忍見差池差池猶尚可爲巢鷦雄雌

社燕能重乳如人有子孫喃喃作細語或以道慙毚蟲爲汝糧香芹爲汝茵芹泥相俛啄綢繆此一門居處非不足率屬歸江村揭來又有卯莫使簡狄吞

維趙武靈王騎射而胡服二者實良圖可制中原鹿霸  
氣盛東南在水不在陸樓船制津新不勞車馬足武備  
誰昔然因時靡定局兵法猶變更父書焉可讀

鐘聲聞十里雷聲震千峯天定能勝人無射由人功晨  
鐘發警省疾雷劈妖凶盜賊不惜死人患天亦窮王人  
秉叅贊斧鉞有神工賊臣不及殺舉世成混濛快哉涿  
鹿師蚩尤變爲風

楚人固多詐季布重然諾風氣庸愚賢者破郭郭貌  
取非良方耳食亦輕薄黑肱欲無盟惟求子路約忠信  
能久孚蠻貊猶可託圻獄在片言詛詐庶不作

鹿皇詩集

卷三

三

宮中奏雲門君王非好樂天下皆臣妾君王廣似續萬  
國盡供輸君王財賦足貨色兩無營武湯有芳躅齊宣  
尚知慚孟氏善啓沃所好俱不妨與民聚所欲此是帝  
王模治平無不淑

都城有九門一門容九軌車馬如飛龍亦復如流水縱  
橫千萬人富貴兩人耳前有終南山捷徑出其裏欲辨  
山中人衣白非衣紫

吹臺鳴鼓角壯士胆氣粗名麗大將軍遠征北單于閨  
中別少婦淚下如垂珠齊紈爲裏衣魯縞爲上襦妾心  
長於縷隨君永不渝不愁功不立但愁歸路迂留君舊



所服愁來單妾軀却勝夢魂飛軍中不見夫

狂風捲落葉飛從何處來已散不復聚草木那知哀榮  
時本同根悴時不共萎榮悴靡窮期萌蘖待春回所願  
莫砍伐終老如樗材

琴瑟旣和張簫管亦備舉旨酒清且醇佳辰樂儔侶調  
出長相思昵昵兒女語一彈破羈愁一吹忘逆旅幸勿  
操琵琶青衫淚如許

一晴復一陰天氣釀清明青田猶未變布穀已先鳴與  
懷古田舍沮溺方耦耕丈人亦荷篠雞黍托深情若非  
憂世道止宿卽留行

庾皇詩集

卷三

三

廟堂用相如羽檄用枚臯文章爲世用二子亦賢豪修  
詞尚體要豈盡華與高先師貴在達範圍無所逃慎莫  
發狂言奴僕欲命騷

長年惟夜寐夜短亦夙興良恐貪歛睡頽隳忝所生日  
入羣動息天曉百蟲鳴萬物各乘時矧廼爲物靈所以  
戒晝寢糞朽一無成

口臭鼻不知旁人皆掩鼻穢惡累終身宜爲人所避原  
壤俟而夷先師杖以治奸邪至正卯誅之與衆棄小大  
固不同疾惡無他意

孔雀巢文梓山雞集白楊五色相參錯山野有文章一

朝入樊籠神王亦微傷徒觀百鳥飛不得共翱翔猶能  
飲與啄終身富貴場

有馬不食粟有妾不衣帛廉潔風下寮未足爲臣之所  
貴庶事康無取素餐謫天祿享萬鍾錦繡賚千百湛恩  
及老臣區區何足惜

執熱濯其手樊圃須折柳馮藉物之情狂夫亦却走河  
決由細微蟻穴任其咎先民亦有言納約惟自牖苟能  
愼厥微庶以彰所守

投我以木瓜置之蘋玉盤几席散芬芳幽居索古歡玉  
盤不足報贈以雙聯環木瓜有時朽聯環轉無端一氣

鹿皇詩集

卷三

三

相聯屬有如心與肝

八口上農家固有十斛麥五月頗有餘一歲轉蕭索遂  
使逐末多金銀出貿易贏紬相灌輸平準致充斥弘羊  
固當烹孔僅亦宜殛

大都逾百雉小邑獨無城無城猶可守恃險在民情兵  
革亦何庸米粟焉足稱孟氏有眇論垂爲萬世經不見  
王者師壺漿到處迎

在昔穆天子車馬窮幽荒犬戎終不服王母亦荒唐致  
啓秦漢人求仙爲帝王周德固云厚遠遊亦皇綱巡狩  
乃常典一紀爲舊章



蝴蝶不爭花青蠅羣逐臭香花墜溷中青蠅焉肯嗅  
讒言好交亂聽之亦同垢蘇公非不良暴公諱且詬營營  
隨飄風豈徒妒婦口

徐君未求劍季子已心許解挂墓樹間死者不能語廉  
讓稱夙懷奇蹤在逆旅棄國如浮雲一劍豈難處慚愧  
後世人豆簞弗輕與

長袖布已羸小袖布已縮羸時無有餘縮時靡不足制  
度與時宜車書同一局愚用賤乃專往往遭殺戮先師  
惟從周美哉文郁郁

不習天官書市垣昧經緯支離究吉凶趨避亦無謂古

鹿皇詩集

卷三

三

人重修省星變原可畏月犯少微星處士何所諱理數  
莫能逃夜夜徒望氣

石鏡照天明石劍鑱天利物形猶有遁魑魅不知避避  
者生自然山川有名器鑄銅爲菱花妍媸各思媚鑄鐵  
爲吳鉤佩之壯其氣人事代天工師濟致平治

風氣有南北春秋無古今既聞杜鵑啼又看白雪侵卽  
事起通識智者費沉吟黃河本難清人壽莫能尋奈何  
百歲軀欲與造化參但當飲醇酒俯仰獨自斟

相士如相馬以輿復以居匡章非不孝於陵有廉譽叔  
夜獨坎壈謬誤溯厥初巨魚游江湖細魚落沮洳豈不

同一水大小不相如

羣工有大小臣心惟一誠麻鞋見天子不知臣職輕行  
在亦草創赴者皆公卿從官盡才俊誰識杜少陵豈爲  
求聞達跋涉事遠征文章固增命不達稟有生

禮廢始綿蕞樂廢用延年制度既殘缺音律亦無傳曹  
褒尤極陋教坊豈宮懸姬公不可作天地徒茫然同和  
與同節望古發長歎

中華自喪亂何必罪五胡不能慎厥初蔓延致難圖先  
小而後大瓜瓞有殊呼撫后而虐仇豈在計區區天驕  
亦有稱不獨數匈奴

鹿皇詩集

卷三

五

有人亟叩門生子夜求火問之乃爲厲云恐其似我支  
離尚無傷雖厲無不可不見桑上虫螟蛉從蜾蠃七日  
木空中形骸肯已妥

飢雀落階除雞雛護餘粒雀羣齊下來雞雛已岌岌應  
俟久相秦蔡澤驅車入未遑奪其位丞相方涕泣恐懼  
終避賢相位究相及

北風吹落梅餘香散郊野傍徨拾襲藏攬之不盈把北  
風方未晴躑躅梅之下高士寒無衣美人况新寡何處  
不關情愁來曷能捨

天不出慶雲地不生醴泉野人將獻瑞俯仰盼無端雨



露澤萬物河水灌原田粟帛民所寶雲醴何與焉嗟汝  
采芝人老死在山間

雞林本外裔乃愛樂天詞浮名雖及遠吾道亦已衰煌  
煌大禮賦棄置無護持卑卑清平調徒爲妃子嬙不如  
藏名山後世猶有知

西湖有巨鯉遁跡入震澤雖云宮室寬終覺天地窄不  
遊大海中漁父當可索大海詎無魚網漏生可得嗟汝  
趨世人徙官避彈射

手執百鍊金顏色若古銅市人不能識謂我誑愚蒙爐  
火猶未熄寶氣光熊熊至人握重寶待價不匆匆幸無

鹿皇詩集

卷三

三

三泣涕時窮道莫窮

季世重武功豈爲多殺戮干戈衛社稷汪錡固當錄先  
師却萊兵從容壇坫肅平日亦有言戰克祭受福臨事  
懼不勝好謀成可卜所以諸葛公小心能王蜀

王去聲

種松莫傷心傷心松不生種竹莫傷筠傷筠竹不榮松  
竹擅本性保護得其情蒼蒼歷歲寒淇澳賦青青桃花  
有潭水可以葆吾生

煌煌京洛道老少好觀場舞罷歌未散無人不顛狂我  
友去不返恐或墜迷方剪紙爲招魂逝將歸故鄉魂兮  
不歸來痛哭斷我腸

是日聞莊復齋詩

枯楊忽生梯老驥復生子榮華已逾時騰踏將何以楊  
枝亦一時驥子終千里人生惜暮年黃髮與兒齒晚歲  
見良田變泰莫云否

黃鳥鳴啾啾蒼鷹縱臂鞬黃鳥謂蒼鷹尚能殺我不低  
頭一決起翔集歸林邱搏擊皆爲人無功祇取羞桑甚  
方盛結沉醉狎鴟鳩

對酒歌咏懷祝公歲百二身爲天下谿口有風雲氣弟  
子不能從遠遊無執轡仁義爲膏粱忠信爲糗糒前呼  
衛武公不美玉皇吏人目爲行仙何處非福地

踏雪

鹿臯詩集

卷三

三

屐齒泛鹽池步虛聲頗頗海鶴導前趨鴻爪出其左周  
折印矩規終無傷足禍當到玉皇家亦越玉堂可渺渺  
白雲鄉環珮翩跹儼

傷園桂

老幹已成髡作花獨自媚健婦與狂夫採擷靡遺類嗟  
汝種花人零落忽焉逝繫予賃且僑折柳不能衛手無  
斧柯權呼號甚矣憊撫樹淚泫泫既枯當立翳蒸爲芝  
菌華身後亦高異

木石吟

薜荔石爲衣寄生木之賊衣蒙石亦豐賊大木已蝕謬



謾徂徠松巖巖泰山石長藤及女蘿攀緣那可待位置  
倘能高宵小無顏色拒之峻且堅附之怯其力

賦得與君同得罪寄李顥亭

遊習旣同方雲間從薄宦謂子政能循黽勉事追扳下  
民弛怨咨上官罪訕訕終朝褫其衣姑惡婦莫辨謂子  
行能廉亦罹汙墨患廉吏當可爲是非易淆亂天高聽  
固早望天窮睇盼目斷北來鴻心逐南歸鴈歲晏孰華  
予坦夷脫危棧努力在桑榆莫道出塗炭

舌問齒

我濟汝剛汝欺我柔旣傷我邊又破我頭憚不知其由

鹿皇詩集

卷三

庚

於我乎何仇

齒答舌

汝爲出納我爲干城汝肆饕餮俾我心驚警覺我心寧  
終遲汝長必戕汝生

洙涇淹滯方隅莫能博涉耳目所及得句遂多錄二

十首

桐陰

拱把大於斗孤直不爲林朱明氣候至發憤成濃陰却  
任魯陽戈卓午長照臨爰以七尺軀倚此身十尋石床  
不生苔清潔如秋砧倦踞方灑然靜撫無絃琴

竹陰

山鬼愛幽篁假山闢篁境萬个豈爲多半畝散清影挽  
河洗飛塵翠挹娟娟靜是爲君子風無心心自領更無  
肉食相世炎茲獨冷

桂陰

獨秀久成林老者不計樹垂蔭亦扶疎彌彌小山布葉  
落頻掃除未花思早吐消息自中聞婆娑至秋暮無須  
持斧柯獨能斃羣蠹

車聲

軋軋月明中潮來達河漢爲念稭苗飢寧分晝復夜足

鹿臯詩集

卷三

五

遲韻若謳足急聲如罵前村後村忙逆入耳間瀉望秋  
勞爾車秋成同我稼

櫓聲

海水到衡門鳴櫓聲常聽東入申浦頭西從於越末去  
聲漸以遙潮雄櫓力奪夜來枕上喧驚醒訝明發宛轉  
雜飲歌似唱還似喝

吟客

居與皮陸鄰人希韓孟匹竭來唱且酬同聲亦協律長  
句海內稀不揣頻誤述升堂猶未能何以入其室客勿  
賦高軒予固重名實



逋客

夷猶將避人逢君亦逃債會非郭解家急難寧足賴相  
對漫咨嗟筮得明夷卦當有酒食來渙作雷水解園中  
寶氣多夜夜吐光怪語君且莫歸或可脫於械

熱客

科跣野人致嘉賓亦過從匆匆脫襪襪坐席起涼風冰  
盤薦瓜果竹簟傍杉松絕勝河朔飲杯酒尚爭雄程曉  
不解事作嘲非至公俗子意興淺乘興與破疎慵

酒債

上塘醉未歸下塘醒莫解猶堅不速招分曹校勝敗忝

鹿臯詩集

卷三

三

以諸侯賓頻教床下拜行處本尋常始信少陵話第恐  
墜馬傷未覺神全快

病債

五十已知衰前人非誑汝矧此羸弱根兩度如柴毀消  
渴猶可除腹心痛未已尺寸豈不珍養愛難就理人言  
罪在魔固結三尸子子命乃庚申守之當有喜

字債

平生薄雕蟲翻爲壯夫役日揮千百行踵門猶強索曾  
無題扇錢屢作書裙客能事亦已微流傳竟何益幸不  
學草書未受匆匆逼

冰水

冲冲北陸藏深深依地窖清白涅不緇豈在畏泥淖炎  
曦欲爍金此物特違扞能使滿座涼不愁長夏燥化水  
屬斯臾飲餘藉烹茗雖非伐冰家亦別酸鹽好

墨水

不飲寧忍棄歸與大河流一陣雲氣黑未遇蛟龍遊羣  
魚揚其波雲氣波上收朝朝河上立魚樂最忘憂自非  
莊惠心洗硯亦悠悠

樹蛤

肢體類蝦蟆青靑衣靚如茭木處固宜風情性偏習坎天  
鹿臯詩集

卷三

三

陰一再鳴雲雨集有渰石燕不爲羣鳩婦不相飴却饒  
螻蟻心自得先天感

木瓜

薜荔不生花木瓜乃其子纍纍石頭垂剖之渾如此野  
人和以漿涼粉名伊始不救兒女飢聊可伴沉李持以  
薦賓筵肴核豈堪鄙

檐蜂

爲窠不擇地散處或無王不見負花鬚出入但空房厥  
形如果羸螳蛉乃在桑依我故有托幸勿恃鋒芒園中  
多伯勞伺汝卽餘殃



筆塚

不從枚臯遊不爲相如用與我相周旋退老終無俸猶恐遭俗夫禿穎戲題鳳金甌築汝瑩象床安汝供中書碣亦榮生花空一夢發爲芝菌華勝於茅土封

紙爐

大造若爐錘於物無不化矧此泓穎遺其材亦已謝草創原有功一一千金價直可國門懸莫作覆瓿訝珍重歸洪爐幕古爲薰炙

畫叉

中堂生五嶽閒中得卧遊支撐賴此君枝節挺然修古

鹿臯詩集

卷三

三

軸屢更代高低不少留豈應截作杖浮生感行休猶欲學東坡日向叉上求

東坡在黃州日用百五十錢月以三十塊挂于柱每日以畫叉取一塊用之不盡則藏于別器

茶具

戒酒避缸甕嗜茗備筠籃嘉瓷藏一器提攜不負擔山巔與水涯舉火酌其甘遙憐陸鴻漸編經未細叅欲招玉川子計碗博餘談

寄范曾齋

九秋風日好繫纜上津橋伊人蚤于役京國路迢迢行李千霜露去馬鳴蕭蕭僕夫未兄瘁客舍猶陶陶雖遭

市虎懼

時有戒心

亦逐曉烟消上堂拜老人矍鑠喜和調下

堂揖羣季棣萼暢枚條人生歸有道險阻任嘔嶢矧乃  
潔白哲勞事聖明朝慙慙問行止無方但卜顛旦暮復  
來茲畫舸趨春潮願言當既覲姑蘇樂事饒

讀張平子四愁詩

天高聽在卑神幽能燭顯精誠有時窮煩勞不及遠大  
都心不同咫尺起乖舛况迺隔天涯此心那得遣平生  
好讀騷離愁滋益蹇所以古達人借其言以反白日怯  
浮雲蔽惑寧可轉興懷托美人始歡終淚潛沉吟意惘  
然欲辨口已謇

鹿臯詩集

卷三

三

常慎齋贈隻雞

欲烹爲能鳴欲養故無穀夜來識五更亦足資警覺園  
中近獸場黃狼與狐逐猶恐遭不祥攫搏肆羣虐珍重  
使君仁吐哺分餘粥兒童莫浪傳祝翁在鄰曲

覓鏡

硯池發菱花日作同心友忽被山鬼欺徑挾青銅走神  
物未歸來暫覺忘老醜壁上挂玻璃形影相左右癡肥  
失其模顧盼認誰某鑑水復鑑人天真爲我有

催菊

居諸十月交秋英猶未展倚杖守荒畦淒淒風酸老眼有



如望歸人盡日費瞻鸞清酤白茅醺紫蜨黃蘆綰酹汝  
吐奇芬慰我素心款雖無九錫加亦邀一笑莞同人方  
在門籬疎不得鍵所願啓朝華爭先慎莫緩

王東涯孝廉貺筆

分得夢中花奈此才盡何知君營五鳳材具富且多都  
人看脫手五鳳其巍巍我本長安客樓下舊曾過家有  
如椽譜結構述東坡端莊雜流麗剛健含婀娜無能啓  
秘鑰歲月徒蹉跎日揮蚓滿幅豈敢博白鶩惟當注蟲  
魚爾雅掘曰窠邀君訂訛舛物外共搜羅

移居酬夏萇垌孝廉

鹿皇詩集

卷三

三

遷客西復東負此園中秀杉松與桂林旣辭莫能就幸  
近孝廉居德芬憑取輿頻過蘭玉堂酌酒爲子壽不飲  
猶醉醺感君意獨厚君家丈人强八十相左右造予却  
杖扶座中麾几授願以耆英行俾君歌且侑春秋佳日  
多嘉賓式燕又

路旁

路旁桃李花先春氣已洩白面冶遊郎竭來共攀折但  
得枝葉妍不顧本實撥草木有何知詎能勵名節嗟汝  
熱間場榮枯亦太恕

高東軒先生讀易圖

動靜固無端陰陽本無始爲顯與爲微彌綸見真宰公  
學究天人公政有綱紀修齊致治平一一取諸此精勤  
做假年三復猶未已吾生過何多因味消長理曾從固  
哉亭莫殫一畫旨願言乞韋編卒業自茲始

楊宛亭至

雪後又層陰天意欲如何洒掃亟稠疊躡屐復披蓑相  
彼鳥綢繆下民侮則那况處危疑地時有戒心不謀窟與窩

田文猶有薛辛已據高巢慎莫咄馮驩策士亦足多

聞莊復齋計

深山不養痾殞命彭城地觀察非不華亦昧首邱智平

鹿臯詩集

卷三

三

生重謨猷垂老廼一試國子天下師稽勳天下吏

君起助教

擢稽勳司出守彭城觀察淮徐

出守固良圖歷陟取高位吾黨謂光榮

予心方抱悸君年六十強子長僅七歲契濶三十秋祇

憑數行字昨夜夢中魂幽明已乖異諒因心血枯彌留

不可治欲哭更無聲不哭空墜淚他年曳杖歸孰與話

離思地下有四君

謂他齋鹿洲梁村中川

得遂九京志風義兼師

友予懷曷能置

夏無籟見招

家室閤樓居誰與辦中廚朝來召羣客樽有舊屠蘇兒  
曹愛酒渴躑躅春泥糊不醉當無歸應逢醉尉呼我亦



故將軍托跡壺公壺

鹿臯詩集

卷三

三

鹿臯詩集卷三終

江湖閒吟卷四

漳浦王道直夫氏著

七言古體詩

渡黃河

臨涯十里聞水吼，春流解凍淘沙走。  
招招舟子轟如雷，人語波聲不可剖。  
我曾六度混征人，非利非名行不苟。  
今朝過此倍咨嗟，指以盟心伸厥手。  
誓將宦海歷華顛，不易初終昭所守。  
河神未信我言真，挹取河水酌數口。  
河水在口入在心，夙夜戰兢垂永久。  
他年問渡對河神，神其鑒茲記誰某。

鹿臯詩集

卷四

夜鞠

燈光晃晃照顏色，北風凜凜動魂魄。  
升堂若與鬼神謀，幽明一氣無遮隔。  
殺人者死盜抵罪，三章之法有程式。  
方今天子重好生，青災肆赦不窮迫。  
詔書一日萬里餘，輕者不議疑者釋。  
泣此惟當聖德宣，求死不敢求生得。  
得情勿喜師所遺，仰瞻屋漏謹三尺。

收漕示民詩

東南財賦首三吳，白粲樓船貢上都。  
舊有浮糧數十萬，金雞大赦積年逋。  
今秋大有更莫比，晚禾亦足供天庾。  
是宜輸將赴期會，日月告竣罷追呼。  
國家積貯富四海。



何曾惜此窮錙銖由來惟正重升斗况經蠲免困全蘇  
長官敲扑非得已一懲百警爲良圖寬閒四體本爲樂  
縣庭流血豈非膚斯言直作催科榜采箋高揭不揮硃

蔡梁邨宗伯

賜諡文勤詩以紀之

聖代侍臣崇學術淑人君子其儀一先生嗜學無等倫  
中歲好道心如結

先皇有詔亟呼來豈特通宵見宣室平生稽古力有餘  
十載賢勞徹始卒疏桓二子何足云夔龍親見勲華日  
若使菁華永歲年道德勲名誰頡頏可惜春秋五十強

鹿皇詩集

卷四

二

玉棺忽降修文疾空留遺韻在人間捫齋著述垂之筆  
聖神天子念前徽秩宗清要追崇秩赤管殊榮冠百工  
褒寵有加旌輔弼易名之典古所行諡曰文勤備名實  
先生靈爽實式憑應瞻銀闕謝優卹時或空中萬歲呼  
忠誠定爾陳無逸生死

三朝荷國恩千載流風永不沒作歌紀事傳後人鹿皇  
老友拜手述

紀夢招藍鹿洲也

藍鹿洲侔儻不羈藝韞多材以薦舉授普寧令  
攝潮陽篆忤監司某被劾勒停聽理久而昭雪

制軍鄂公表其能召對出爲廣州守抵任一月而沒未罄所用論者惜之蔡梁村嘗語予曰鹿洲開拓心胸推倒豪傑陳同甫一流人物也然氣盛恐不免於禍逮被劾落職梁村曰此非其驗歟閱三年鹿洲應詔來京梁村適棄世鹿洲與予哭之欲絕蓋不復聞箴規之言矣未幾而廣州訃至予遂益孤次年予承乏金山頻夢鹿洲不言不語事涉疑怪鹿洲齋志以沒者爲詞以招之夢遂絕

若有人兮佩瓊琚溫潤瑩湛玉不如文逾賈董賦子虛

鹿皇詩集

卷四

三

鯨鯢十萬手鋤除功成不賞歸田廬

鹿洲有平臺之功

還提利

劍搜鱷魚棉陽萬戶樂蠶漁龔黃之政民安紓高明鬼闕毀不譽棄官坐獄方著書青冥上天藉吹噓榮枯消息信有諸何必長驅畫軾車魂兮歸來炎方不可以久居

若有人兮挾奇猷肸嬰爲侶管葛儔餓鄉養晦三十秋三旬九餐樂忘憂一麾出守嶺南州畜牧樹藝爲民壽一民不贍爲己羞嶺南近遠無賢侯獨以耿直生愆尤鳶梟善匹鳳凰仇鯁鯁得志蛟龍愁蛟龍高舉鳳凰遊世網恢恢脫卽休魂兮歸來炎方不可以久留



若有人兮五馬驕皇駟駟與駟乘酣騁駿馳天涯  
指揮決策以鞭撻高牙大纛寧足誇讒者消阻張怒蛙  
艷者嘖嘖鳴齒牙置身如在赤城霞文采嶙峋靡有加  
一朝捐館蜂散衙萬事渾如雨後華人生得意不在還  
何必感舊長咨嗟魂兮歸來災方不可以爲家

若有人兮偉如神雙眸炯炯善敷陳禮防自持靈所儼  
水中之怪訟而囂衆口詈予其申申帝達厥聰施厥仁

拔擢位置褒殊倫昔時貝錦成灰塵風霾開霽見秋旻

流徽不沒啓後人學準公案

學準公案  
鹿洲所著

蓮筆山

房澳川濱高洞亦可藏其真魂兮歸來災方不可以爲

鹿皇詩集

卷四

四

隣

盆蘭廢棄久矣元夕盛開詩以發之

門庭鳥雀遠人跡盆蘭棄置誰可惜去冬大雪一丈強  
埋沒花梢詎尋尺春來融液在斯須歛見翹翹生起色  
不死涵濡造化仁作花沐浴彼蒼澤官梅未放柳未萌  
先開豈曰非帝力疾雷一鼓起羣芳茲花最靈乘霹靂  
繫子對此月明中珍重國香抱拱璧自從遇難幾相忘  
不世名花亦遭謫奮發精神屬一朝佳話直須播邦域  
微物之微匪偶然請看今夕爲何夕

海客述其鄉有龍降地偃卧衆欲屠之旣而雷雨

大作飛去蓋異事也

青雲敷天龍所致波濤鼓海龍所戲奈何可潛可見身  
落此濁淖汙泥地豈是罪垢謫人間何不叫閻顙上帝  
抑或疾病求神仙應向丹爐乞療治二者無一必癡乖  
迷津失足取憔悴傑爇封豕臭其腥磨牙掉舌耽耽視  
兒童走卒競誼譁持刀挾斧互爭利鱗將去逆肉作糜  
鬚將掣勁爪作噐首尾脊脛邁專車液爲酒醴滓藥餌  
解剝決在呼吸間誰念爲霖功不細屠龍技手世間無  
若輩奸頑敢嘗試須臾雷電轟天來風伯雨師各相爲  
潏潏之雨浩浩風龍乃一躍萬里去當是無罪病初平  
鹿臯詩集

卷四

五

亟返癡乖永不墜君不見豫且易服混羣魚漁人舉網  
生受制又不見南陽高卧人不知前車後乘爭執轡神  
物顯晦固有時茲龍困阨未奇異可惜諸梁不好真龍  
去龍來不能記

貧家女

貧家女子閉門處富家女子開門語貧女開門衆不許  
富女開門稱避暑

本俗諺

世人不識貞與淫但看貧富相

顰顰人生祝德不視家相馬以輿有良矩貧女何屈富  
何伸門閉門開豈異所吁嗟貧女且莫羞武侯好醜將  
聘汝



估客樂

去年破產遊臺灣今歲攜家住佛山荷蘭日本及蘇祿  
一度春風往復還劍錢斗大鑄人物雞雛錯錯馬斑斑  
蠻女如花供使作琅琅約臂雙金環男兒不用手擲封  
侯筆又不用身歷棄繻關但得舌頭宛轉解蠻語世間  
富貴俱等閒

採菱詞

蓮子房空菱正熟綠波盪漾南湖曲擷帶絲牽嫋嫋風  
觸尖血刺纖纖玉一日三秋經幾秋菁華一去不可續  
今茲若待念五年棄置道旁嫁與孰

鹿臯詩集

卷四

六

折艣嘆示珍兒

男兒在世常自得不辨江魚與馬革但視泰山一毫芒  
履險如夷當不忒我今墜塹辱泥塗赤足奔波不遑息  
山魃鬼魅日同羣鵠面鳩形又相逼萬人所指欲無生  
未辨死期緩與亟聞汝申江折艣危愁中不覺動魂魄  
申江日日往來過我白江神毋相嚇若使操履負神明  
沉舟一死不爲溺三載行行蹈坦途無罪無辜荷天賜  
父子安危共苦辛江濤于汝何刻責狂飈排擊浪埋頭  
艣斷檣傾不能力於時漁父倘來遲烏鳶螻蟻俱無德  
昔人代父靡不甘無名未應輕一擲我將買棹問江神

威福不平亦非職  
陸海風波尚未休  
鉅創頻仍真反側  
神如不答當問天  
彼蒼悔禍有終極

破鏡詞

憶昔十五初嫁來  
盈門車馬爛鑣轡  
庶姜庶士各成行  
羅列鴛鴦七十二  
繡枕花開並蒂蓮  
白頭恩愛靡攜貳  
無端烏鵲向前飛  
鏡亦團圓隨破碎  
故人捧鏡悲又悲  
新人見鏡覷又覷  
新人美好故人媿  
新人重情故人義  
破鏡照心不照人  
烏白馬角有時致  
明月會當三五完  
鏡忽重圓屬還次  
新人破鏡飛上天  
故人明月懷中墜  
出門大笑不須啼  
同盛同衰莫相棄

鹿臯詩集

卷四

七

雉子斑

麥漸漸雉子斑  
雉朝飛子麥間  
朝飛暮始還  
衆子不能餐  
艾如張之母  
乃殘園丁路  
人不忍看汝  
當挾子歸空  
山深菁叢棘  
亦爲閑飲水  
啄草豐其顏  
何必鼎鼎試  
鹽酸

交交桑扈爲倉患作

交交桑扈啄我粟  
日日呼羣傍簷屋  
又引鳥生八九雛  
大張厥喙飽谿壑  
一啄十百已成瘡  
再啄十千直剗肉  
我膚本是父母遺  
我力衰頽原不足  
念此公田籽粒珍  
困廛保護惜如玉  
官租未入務未閒  
夙夜憂煎勝敲扑



一朝被啄付子虛無罪無辜遭殺戮鷹鷂不管餐與饕  
羅網無方掩螫毒公田之耗在必償仰首問天何能穀  
憶昔倉頡制字年天爲雨粟鬼夜哭我今非鬼涕洟瀾  
穹蒼乞灑千萬斛更遣后羿射烏弓盡殺爲奸禽鳥族

將軍嘲

山下無人虎豹驕路傍無人盜賊要盜賊凶殘亦人類  
虎豹遇之乞憐搖將軍弭盜乃其職猶當射虎矜雄豪  
朝喧笳吹震金鼓夕吹鼙鼓鳴銅鐃帳下千夫百夫長  
脫盔露甲事逍遙鬯弓服矢生蛛網但有七尺長會矛  
若使相逢山下路二物力鬪豈能調勝敗死生真未決  
鹿臯詩集 卷四 八

但看奔竄如飛猱腰間雖有大羽箭徒供閑暇指揮號  
吁嗟北平飛將常寂寞不試沒石橐彤弓渤海太守亦  
無策牛犢不買橫劍刀且喜太平消殺氣虎豹盜賊俱  
無聊

萼

季鷹思汝不得歸我今食汝不能去何物水草繫勞人  
粵罇燕函拘以地丈夫弧矢屬四方躬際太平當得志  
南陽未出留山阿靈均放歸禦魑魅世間榮辱各一時  
所貴達觀母有貳柳州巨膽甘蝦蟆昌黎鬻實亦嘗試  
百怪喜入哲人腸藉以流芳昌歎嗜東坡口腹更貪饒

花豬肉外蕉與荔二物甘美跨嶺南閩漳荔子尤出類  
海山仙人白玉膚滌牙浸齒瓊漿味絕勝蓴絲滑欲流  
錦帶溜匙擅姿媚未能特立空諸羣依傍八珍見風致  
對蓴思荔心如醉鱸膾同情良有爲

懷春引

門前楊柳綠依依堂前社燕來飛飛佳人折柳傷春色  
手招燕子巢深幃明朝帳前忽離別床頭拔劍紛指揮  
不爲封侯赴秦隴不爲割地入燕畿原嘗春陵皆宿怨  
誓將一擊解重圍丈夫幹濟憑赤手決起何當心事違  
回首仗劍出門日柳眉含睨笑聲微須臾沾巾泣獻欸  
鹿皇詩集 卷四 九

傷春

東風暖鼓新泥蟄西風怒掃羣芳急江村桃李爲誰妍  
東風笑臉西風澀仲宣樓頭春復春汨羅江頭泣又泣  
天涯淪落萬古愁死生不遇嗟何及馬上琵琶抱不平  
出塞胡笳轉吹入漢朝粉黛非無人明妃蔡姬共鳴咽  
破鏡朝朝顏色衰露華夜夜春草濕嗟汝地下母相猜  
枉死偷生不須執

宅邊古樹

宅邊古樹春無藥枝如青銅幹如鐵夜來風雨作龍吟



定有蛟龍同窟穴不知何代結根株獨立叅天飽霜雪  
三吳曾此治艤艫未遭砍斲有奇節應爲樑棟壯岩廊  
足當一柱表鴻烈終恐匠石多不仁用違其材汙且褻  
作舟尚可濟蒼生爲車不免混泥轍我來坐憇經隆冬  
百鳥啾啾伴疲茶撫之非杉又非松垂蔭千家萬家列  
惜非召伯草舍閭蔽芾千秋誰敢折徒使盤桓望杳冥  
放歸當與古樹別樹猶如此人何堪仲文爲我寄愁絕  
魚虎有魚殊狀漁者曰是虎也小能制大詩以討之

沔南丙穴清見底魚樂搖搖見其尾中有鱗鬣挾奔騰  
張口脹腹如蛇豕出没波瀾恣噬吞不論鱗鱗與鰓鯉

鹿臯詩集

卷四

十

是爲魚虎虐同羣烏鬼浮沉擒不起漁人罩罩無則休  
獨搜魚虎痛入髓有义如矛列三隅有網在綱密不弛  
欲斃一虎活羣魚赤身宛轉水中坻虎乃鼓鬣奮前趨  
隨波直入南橋裏南橋水深多毒淫搗蓼搥茶供釜錡  
浣將狂藥入流澌虎當一飲中毒矢齒牙之孽不可蘇  
殘賊之辜寧可抵卽看水獵布重圍鋤姦衛良有前軌

百舌

小園無樹堪棲鳥恰有百鳥啼音巧春夢沉沉醉未醒  
芙蓉枕畔微微攪但聞其聲不見身張子兩耳目成眇  
何事終朝屋角頻多言或恐致鷹爪汝本佞口巧如簧

前生當以倖佞老大隄若遇治郎酷好巧佞愛少小  
畢之羅之伺汝遭一入樊籠莫懊惱舉頭雲鶚是神仙  
卽見城烏亦縹緲何如鸚鵡喚琵琶獨宿金閨親窈窕

今日雨

昨日快晴今日雨鳴鳩宛轉拂其羽天地機緘在口中  
吾當何以避寒暑青羔之裘已蒙戎雷陽之葛亦藍襖  
一裘一葛寒暑間倏忽涼炎何所取呱呱稚子在孌懷  
饑則悲啼覓哺乳長大諸兒饑不啼赤身晝夜但依父  
有客來過勝父衣弟兄父子迭爲主若使裘葛破不完  
江畔獨行傷踽踽故人贈我綺百端又嘗許我穀千鬴  
鹿臯詩集 卷四 十一  
燕雲萬里莫致之不如斗粟尺布猶有補仰看明河長  
竟天牽牛織女自終古有牛不得借春犁有機不得治  
絲縷逝將攜眷爲傭春一屨賣屨充晨釜不然不文不  
武蝨其間寂寞何能脫此寡多謝義和鞭策三足烏自  
茲宜雨宜晴免疾苦

花上露

花上露何盈盈上枝露重下枝輕春風搖動不肯停上  
枝之露下枝凝閨中挹露注紅粉枝間點滴歸銀罍佳  
人得露添顏色惡人得露塗醜形上枝下枝無美惡直  
教紅粉不同情早知分傳兩家面定不灤灤一夜零



春閨老女嘆

春水未泮春水生郁李濃桃照眼明歲歲年年望家室  
水暖花濃空復情憶昔初生衣我祿翁孃顧盼掌中寶  
東方千騎夫婿殊相攸未得嫌草草長兄殿上侍中郎  
大嫂嬌癡不下堂中厨豐膳誰是主命孃左右當姑嫜  
徹我環瑱髻椎首褰我羅裳操井臼婉孌弟妹各成人  
笑我偃蹇待佳偶諸姑伯姊方經營相見欷歔話不平  
不愁北宮嬰孺事親無令名只愁親沒不嫁至老長歸  
寧

老夫 母難日作

鹿臯詩集

卷四

三

棄我去者昨日日腹心肩背俱嬰疾匪饑匪渴匪風寒  
無怙無恃但銜恤短髮青青鬢未華鬚髯如戟又如漆  
浮生已逼六十強路人爭譁方七七鬚髮原是氣體遺  
二人元氣萃於一昔爲蓼我今爲蒿哀哀劬勞何處述  
恒言稱夫不稱老可笑非夫老不保兩足奔波曾未傷  
負垢在躬怒如擣憶昔陟岵當子年今茲陟屺歲在卯  
素冠素韠自樂樂鮮民之生死及早百年歲月能幾何  
長荷春暉蔭青草春暉莫報真匪人悠悠何以對蒼昊  
六十有孫猶苦晚三十得子方偃蹇依依孫子拜堂前  
棘人何以致繾綣白雲縹緲暗閨山春雨淅淋滯江堰

野鳥引雛飛且鳴朝爲羣遊暮羣返覽物徘徊鳥不如  
痛極悲來愁滾滾粥飴和淚勉加餐自此天和當日損  
遺澤梧棬猶在手舉梧未飲先箝口惠泉良醞琥珀春  
羔雁雞豚克左右歲時備物祭必豐可惜官祿吝升斗  
東隣老子方白頭一肩鬻水將老母買魚沽酒兼弄雛  
公侯卿相不得友吁嗟行樂在得時犬馬之年詎爲壽  
吾友才猷推管葛胡不永年天所奪梁村鹿洲真可憐  
五十居諸共蟬脫高官顯秩躋大夫壯志空齋長抑遏  
木寇膏煎疇昔然誰使二子俱賢達我觀九原何所從  
百折餘生猶苟活樗以不材終天年于鄉于國于紫閣  
鹿皇詩集 卷四 三

媚神曲

金山神廟多種牡丹開則張樂設飲以娛神

坎其擊鼓河之涯鏜鏜催花花如霞奇觀不數姚魏家  
靈鑒茲兮美有加靈之來兮晝開衙風爲馬兮雲爲車  
雲爲錦兮風無譁歌喉宛轉舞袖斜花枝婀娜花神遐  
去歲無芽今有花今年之花歲歲嘉靈歆歆兮士女誇  
靈不散兮士女嗟年豐酒賤不須賒日日三牲奉匪奢  
靈爲孃兮靈爲爺

河鯉

娶妻不必問齊姜食魚往往得河鯉南方蝦菜本尋常  
我愛巨鯉如龍子身高一丈金作鱗雙眼明珠媚河水



中有一鬣印丹砂定是龍門點所指於時雷公在何處  
未燒其尾滯河沚遂使積石達河淮日日漁人試網紀  
吁嗟騰蛇猶能乘霧飛爾已破額何爲落泥滓曷不一  
躍出海門乘風破浪滄溟涘不然春水隨鰣進上方又  
薦寢廟傍鱣鮪旣無所樂但懷憂河水洶洶終有底我  
將爲汝祝網漏吞舟汝當報我素書致桑梓

先生嘲

東家力田堆穀麥西家什一擁金帛先生寬博居上頭  
時有歌聲出金石朝無舉火日至晡妻饑兒寒起交謫  
東家不誦古先生西家不習賢良策金石之音空斷腸  
舉家却爲歌聲阨太守不聞舉孝廉縣令誰肯致牛炙  
何不經營急治生學稼學圃遲亦得先生幡然揮出門  
我當傾心從估客

紡車聲

沈園四壁森樹木有聲入樹灑寒玉朝朝至暮無時休  
人語非絲又非竹細辨方知是紡車前車後車紛相續  
或衣父母衣其夫織織女手安且嫻家室和平世太平  
王化熙熙被遠服我欲羊酒慰勤勞去官非職力不足  
東隣長笛倚樓頭如怨如慕亂心曲不是絃歌政所敷  
也須耕織還民牧

驕兒行

朝吟嬌女詩暮作驕兒行嬌女事人不復返驕兒破敗  
枉所生豪家有兒年十六但有一伯無弟兄凌人使氣  
日不足金錢如土揮錚錚廼父視官若茅土不愁追削  
方縱橫一朝嚴譴自天至失勢忽落深塹坑浩浩長江  
杳無際放舟直欲赴滄溟詎知江水不汙玷蒲芽柳葉  
糾餘生華亭鶴唳猶在耳上蔡黃犬當無聲驕兒尙快  
千場博臨餐投箸思寵羹

檇

魯人好枉惠好直三黜皇皇不遑息行於中野蔽芾檇

鹿皇詩集

卷四

五

其下先已憇盜跖惡木應須庇惡人未敢近前遭霹靂  
欲斫此樹棄穢墟手無斧柯孰爲力第恐滋大蔽聳牛  
微妖聚怪靡終極吁嗟直道不容吾道窮路旁草木皆  
仇敵

望府治高明樓

松江府

崔巍十丈出雲間仍治雲間吏與官大都循名當責實  
明固可燭高可攀南方黎獻望天子却來此處瞻豐顏  
作樓者誰居者誰前人後人如循環淮揚至今思卧治  
蘇州當日燕寢閒永嘉山水尤不惡朝朝挾妓遊層巒  
寧似峴山一片石襄陽士女淚痕斑登樓眺遠更懷古



三年樓下空跼跼

山中三章章五句

山中太璞生光輝牧童敲火燒翠微一時玉石紛灰飛  
嗟爾至寶亦遭厄卞和泣涕抱灰歸

楓葉流丹楓脂香山中耳目不能藏持刀斫脂葉亦傷  
古來直木皆先伐托根合在無何鄉

萬仞峯頭湧醴泉開畬種秫盡良田白雲蓋屋巢神仙  
不知軒冕爲何物稚子黃昏抱虎眠

菜根

象白駝峯無信宿魚與熊掌美新熟腥羶臭餒棄溝渠

鹿臯詩集

卷四

二

寧似菜根禦冬蓄花香酒氣隔年聞齒牙精潔如浣濯  
漢陰老人賞識真獨抱汲甕養豐玉菜豐根老淹爲菹  
春秋佳日山盤足南隣北宅日萬錢妻子嘻嘻飫肥肉  
金錢散盡肉亦稀饑腸哀鳴斷莫續但當從事菜根香  
由奢入儉期在速有口同嗜自昔然養心莫善於寡慾

移寓

渺渺愁予不繫舟申江簸蕩逐浮漚浮漚乍無或乍有  
予方解纜去仍留沈園樓頭弄明月倚牕殘夜聽歌謳  
耳目餘歡頻獨旦與人無患更無求詎謂藏舟逢有力  
粉牆鬪角爭蝸牛太平書院亦清淨茶竹青青媚子猷

却來竹下避新暑科頭跣足聞颼颼柴扉不鍵無剝啄  
睡起支頤啜茗甌縱有粗豪索酒食金魚塵饒又何尤  
此間已是羊腸坂冥搜故作鳳麟洲詩成爛熳足揮灑  
知者應識我心憂

蚊

細微無目善窺人嘴長於面足過身呼羣時作雷聲吼  
負山無力空逡巡黃昏欺我疲且瘦有肌無血勞其唇  
富家列炬除汝毒朱門煮藥攝汝魂窮奔無賴集於此  
衆口詈予徒申申逝將棄汝適樂國明日移家近露筋

吳宮

鹿皇詩集

卷四

七

吳宮美女三千人金釵玉面靡有真先來美人髮委地  
朝朝結束墮馬新後至美人髮覆額尤能高髻壓諸嬪  
吳王見髻不見髮先者多踈後者親遂使脂粉汙顏色  
爭妍負寵徒紛紛西施自是傾城貌一嚬一笑花從春  
曉妝未就常散髮後先彼美俱灰塵廿年爲沼亦不枉  
好色亡家古所因

五兒學步

五柳先生誰與儔五斗五子適相侔枯楊生梯良可笑  
家雞紅蛋傳九州去年懷抱不脫手今日落地如行舟  
輕搖放蕩向前走階除尋丈日幾周風栗霜梨每不給



不啖之肉預遠謀索筆亂揮莫効鼠執鞭自挾等騎牛  
諸兄緩轡爲引導近庖猶恐撞烟樓饘粥於斯方娛老  
突決棟焚我所憂玉川有取添丁字欲充耘耔耕田疇  
未能遺安危豈敢雖有白羽不終留

觀縲絲者

白可染兮亂可治亂不治兮白可棄由來物曲在人工  
不辨精粗與巨細此絲之貴爲宮衣大采少采端冕泣  
下逮羣僚章服榮士民亦得分婁曳須念春蠶作繭難  
夜牕紅女織織試東南財賦出桑田寸絲尺縷皆美利  
宮中聖人恤民瘼日以農桑勞寤寐不勤而惰匪王民  
鹿臯詩集 卷四 六

不儉而奢豈王意縲絲一日能幾何頭頭系忝不可計  
太平日月總寬閒賣絲買穀謝官吏所願縲車不肯停  
手口交作莫言瘁

石像行

翁仲嵯峨仆路傍苔蘚剝蝕虎馬羊不知此是何年物  
大都許史與金張塌來又見豐石像眉目冠佩俱飛揚  
未老不似馬伏波受封却類郭汾陽欲募碑碣乃没字  
伊時磨琢誰表章古廟傾頽基址滅茲像當阨爲橋梁  
石槨還宜令速朽石犀無用應奔茫苟有鉅功勒鐘鼎  
日月爭光照太常身後之名真可惜千秋萬歲獨甘棠

野哭

陰雲黯淡西風淒星月無光天地驚聲自西來號轉急  
阿誰裂斷肝腸悲時平井邑無戰伐年豐父子免流離  
此聲何爲獨慘酷哀厲有類長相思蛟龍出聽河水溢  
中宵百怪何淋漓清笳簫管俱蕭瑟但聞怨慕無窮期

寄李伯能萬年藤杖

天台山中萬年藤伐藤爲杖已通神圓頂方趾如垂象  
細肌密節具龍鱗我初傷足猶未老自得此杖行嶙峋  
李丈雙足病於我十載弊濶虞不仁封題數重致航海  
乘風直到漳江濱置之高堂時拂拭頓教矍鑠驚鄉隣  
鹿皇詩集 卷四 九  
他年待我同潦倒東郊百甕玻璃春子孫却扶路旁看  
飄飄王李眞仙人

雀爭米爲鷗所攫刺時也

城中老雀黠且肥來與野雀相因依一旦開漕百萬斛  
爭取籽粒鬪還飛啾啾勝負曾未決野雀差小氣力微  
海鷹側眼窺其後先挈城雀充朝饑野雀徘徊方倖免  
海鷹奮爪匝重圍拔毛啄腦如蠶粉須臾二雀無所歸  
早知俱被海鷹攫悔不隨鷗學忘機

寄熟地與南珍

非商非戎屢薄遊暑濕之區我所憂熟地新蒸數用九



倘有違戾可以瘳長鑱木柄不在手黃精百節老丹邱  
吳淞江畔飽蒿苳不能備藥送春秋何時與爾採且賣  
琵琶坂上鹿溪頭

朱茂才致蘭花

江畔獨步何處尋幽蘭一枝雙南金九畹移來度雲水  
國香已契高人心分我奇珍超雜佩一時羣芳俱却退  
氤氲在室復在堂如逢舊雨欣相對吾家建溪三百灣  
溪上花開無閉關崖蜜巖茶同臭味神仙風骨不可攀  
自入江南常戀此花不遐棄良有以何年玉幹遠貽君  
謾說投桃應報李

鹿皇詩集

卷四

三

朱茂才送荷花

清晨蒼頭擎翠蓋亭亭玉立豐如畫來自西隣高士家  
馨香簸蕩紅塵界羨爾泥中不染心特操豈易三公介  
嗟予僂辱在泥塗艱難未脫駝駝疥對花揮汗却懷慚  
既見君子宜下拜盡說江南可採蓮方湖曲沼不同派  
芙蕖一色爛明霞異種多生湖沼外茲花更見所未曾  
錦衣又綴風流帶端莊流麗美丰儀相逢莫道元公愛

苔

青如銅不爲錢滑如脂不可饅階堂髣髴變新田蝸牛  
日日口流涎學步嬌兒躡又顛欲拔無根蘗無權不老

不死但信天門無車馬使之然

偶述

金山孤城懸海隅熬波出素衆爭趨負擔私鬻赴村邑  
夜行日有千百夫前官不治嬰重譴後官不治爲良模  
大書遺愛活窮販考滿應代民還呼前後尙寬不尙猛  
黜陟惟命何殊塗五民熙熙皆爲利此物獨悍出椎屠  
年豐米賤猶橫逆偶逢睚眦聚其徒縱使萑苻根可拔  
奸宄亦已費戈殳示民詩章垂鑒誠予示民詩痛言私販之害誨諄  
聽藐終頑愚祗今欲言已非職未雨之論真拘迂未雨  
之論雖拘迂良牧莫棄莠與芻

鹿臯詩集

卷四

王

隣雞

雌雄鬻子啄蟲蟻日攘其一巢已毀隣雞日日過牆來  
飖掀跳擲餉糠粃開門放歸告主人樹柵保護毋爾爾  
祗恐羽翼向東西飛鳴一去如流水疑人爲盜倘匪真  
聚訟煩冤靡終已不見前村李與蘇一雞構豐達天子  
長官重譴民流離官民却爲爭雞死茲風惡薄何由敦  
放雞三嘆良有以

題背書圖

聞詩聞禮庭前趨先師遺訓齊賢愚能言能立有大用  
但求章句何其迂乃翁自是窮經者一經教子將爲儒



當其讀時難字過要使纍纍如貫珠數十萬言皆出口  
致君堯舜在吾徒乃翁耳目有真意風流瀟灑類蘇鬚  
我昔十齡侍嚴父躍鱗堂上號驪駒尚書孝經徹終始  
應對往往驚座隅自從聰了轉頑鈍半生名實空模糊  
卽今兒子三四輩遺經不治成荒蕪未入大學已游藝  
小學之廢可吁吁逝將歸去理茅屋荔支樹下談黃虞  
七業殘編隨所授枵餒亦足生歡娛播穫菑畲有美報  
諸兒不學視茲圖

龍起

烏雲滾滾臨江水蒼龍取水連雲起岸上離離四五家

鹿阜詩集

卷四

三

瓦木參差入雲裏半空飛灑雨中零田翁墜落傷其趾  
此翁當是俗緣慳不到天門看天市我時正襟坐堂前  
咫尺雲龍纔十里何不掠我試爲霖追隨舒卷附龍尾  
四方上下救蒸黎與龍同生亦同死明日如逢行雨期  
洙涇橋西拱而俟

指鷹圖

養時在臂不在指畫時在指臂所使臂指之用無窮期  
世間萬事類如此涼秋九月掛高堂陰風獵獵天雨霜  
百鳥飛來傍簷隙紛紛墜落如顛狂我見角鷹適原野  
狐兔攫取鳥雀舍棄禽嚼獸獨何爲作威自是食肉者

此鷹雖厲高且閒翎毛不借筆花斑瘦骨更無肉食杞  
指頭生活出人間

患贅

當胸不宜着一物十年患贅如懸瘤一朝痛楚作牛吼  
天地爲之黯然愁鮮血淋淋味更苦心膽俱碎從腠流  
醫者汗顏瞪目視刀圭戰慄不敢投恒恐旦暮填溝壑  
毀傷何以返山邱尺寸之膚無不養髮膚尚在徒懷憂  
欲赴河涯洗穢毒未應殘疾老春秋

七夕

銀河耿耿徹西東明星煌煌在河中誰家女兒望牛女

鹿臯詩集

卷四

三

晚妝含淚灑金風自言初嫁遠離別夫壻非商又非戎  
鶯花幾度無消息三秋零露泣芙蓉良夜問星星不語  
大嫂小姑徒汝汝星沉月落日亦窮天長信短奈何許  
東隣老子聞嘆聲可惜貞芳傷獨處喚起勞人一片心  
黯然魂銷恨羈旅

夜雨

夜半雷公逼殘凍轟轟已覺天地動金蛇入戶爛奇光  
簾枕竹床破惡夢須臾急雨打篷牕鐵馬鐙縱鄒魯聞  
新秋暑氣壓人昏雷電力去千斤重花明禾秀萬象蘇  
枯樺無聲閒抱甕昨朝爭水詰公庭今日歸來胥息訟



官民不擾樂陶陶太空大德足謳頌撞鐘擊鼓迓天庥  
不報新晴農事重祗恐稗穗等兒饑慙懃待雨如待渾  
十日五日一行施斯人痛後不思痛

夏雲多奇峯

夏雲多奇峯削成千萬重不作霖雨倏忽爲虹虹在東  
誑老農虹在西欺小童入江吸水江水紅持弓射虹江  
神蒙吁嗟上下蔽天公臣言九閼安得通

雞鶩爭食

平湖菰米草間蟲飛鳴各得鬻雌雄有鴨能飛不下水  
有雞能鳴守門東竭來庭除共喧鬧索食不念主人窮  
鹿臯詩集 卷四 五  
殘蔬剩飯有幾許衆口交構如爭鋒不飛不鳴但顧腹  
我不果腹貽隣翁日烹其一攘亦可會須十日絕羣踪  
有鶴在林方饑餓此輩不殺違天公

三過沈園

洞戶沉沉闕高閣蓼花侵堦紅簇簇別來三度月盈虧  
不覺西風掃殘綠北門不出賦無衣白露爲霜方未歸  
狐裘蒙戎在何處坐憶啣蘆一雁飛東隣鼓吹晚衙散  
西家賓客號吮舐樓頭據槁仰秋旻沉吟梁甫空三嘆

鳳凰集

秋風蕭瑟梧桐凋烈日照耀烟霏消茸城城頭鳳凰集

文彩翩翩下九霄。猩鼯猿狖忽不見。惟有百鳥爭來朝。  
北向啾啾殷細響。但覺噤噤律呂調。白頭老子挈幼穉。  
拱手竦聽虞廷韶。吾聞成周鳳凰至。䟽附先後充官寮。  
方今聖人求侍從。弓旌下賁車乘翹。五色光昭澄海宇。  
清明六合分鸞臬。浪說秦樓有仙分。神靈豈肯愛吹簫。  
病鵠

誰傷汝翅折。汝足口不能言聲。不哭鸞鳩離鸛嘲。啞  
沮喪低垂不敢日。惡溝之水無源流。惡溝之泥更醒齷。  
天寒日暮正酸辛。墜落沉迷何能穀。呼僮扶翼上階除。  
豐草清泉和半菽。五日能行十日飛。戀我恩情去不速。  
鹿皇詩集 卷四 五

汝當一舉九霄翰。倦遊莫向江南宿。

北風

北風凜凜搜荒墟。玄冥威福先吾廬。垣單瓦薄紛搖動。  
壓覆方愁慘。不舒蘆花散天白。如雪飛來曳曳泊。庭除  
將花入衣當。吉貝將花鋪席褹。蘼條我行其野。行人踈  
三家村裏有冬儲。藉草堆糧皆北向。北風不擾此村居。  
溪頭老翁獨垂釣。竹竿兀兀徒驚魚。問翁何事不歸去。  
大魚不避風吹噓。嗟爾尺水清見底。大魚豈肯居沮洳。

昌黎

閉戶



枯蒲老柳抱江村寂寂秋風晝掩門不爲鄉隣常好鬪  
直教鵝鴨不能喧經旬病肺吟苦雨床前履迹印苔痕  
卑濕長沙應似此讀騷得句弔靈均珍兒在側共揮灑  
連篇未足張吾軍璞兒又撫淳化帖那及阿買書八分  
筆髡硯渴共一榻絕無客到爲書裙嗟此難中閒日月  
仰天大笑謝乾坤門前廣陌行人指屋後吳歛舟子紛  
如聾且賸無所覺主人不飲亦微醺

投筆歌

學書不作文章伯學劍不封萬戶侯書劍馳驅南北路  
揭來去劍有書留自從署判混塵吏毫端鈍拙如土牛

鹿皇詩集

卷四

五

家雞野鷺無面目長蛇春蠶蚓藏秋今者辭榮何所樂  
筆鋒活殺兔毛柔只可自怡供捧腹邦人好事頻相鈎  
吳綾便面常不絕一揮墨汁傾杯甌有醢合與隣人乞  
有火應須昏暮求似此飲食俱無用猶邀載酒酢與酬  
吁嗟斗大黃金印丈夫攘臂箸可籌規唐撫晉亦徒爾  
不到聖處空冥搜大行小楷俱含羞定遠見之爲予投

紅雲

紅雲環擁玉皇居神靈侍從羣龍趨散仙追陪方未得  
鞭鸞答鳳凌空虛九天門開懸日月照臨下土一穹廬  
呼吸之間通帝座豈由謁者生趑趄俗子視天如夢寐

浪傳闕語有天書舉頭紅雲猶不見玉京金闕當何如  
客有賦惡溪徙鱷者戲答之

惡溪東南水所潄溪邊廬舍無雞猪雞猪不產六畜絕  
蚩蚩何以供鱷魚韓公愍然念民瘼強弓毒矢躬翦除  
弓矢未發先文書羣鱷聽令歛徙居世間太守鱷不如  
威福逼人惡有餘鱷食畜兮守可逐守爲鱷兮民焉舒  
韓公韓公神在天曷不將鱷守投穢墟徒使遷江涉湖  
播威福張眉奮髯暴戾兼恣睢

梅花爲雪所摧詩以悼之

東園梅比去年盛江天雪獨今年橫瓊瑤之粉利於刀

鹿阜詩集

卷四

三

殺傷綠萼存者病欲開不開拘且攣繁枝枉自逞孤勁  
吁嗟白晳不相憐夔蛇風況殊逕美人遲暮負春風  
我亦憂心方怏怏

田柴歌

松人名禾橐爲柴元夕以木束橐立于田間祭  
而焚之取添財同音之義蓋土俗也

村頭社尾高崔巍杉松十丈建田柴紙旆飛揚風怒捲  
非旗非旒相磨指搥鐘伐鼓迓神降丁男婦女無疑猜  
老翁居前拜且舞有肉如山酒如淮酹畢謹譁爭舉爆  
銀花火樹一時開照徹東南千萬戶歌聲四起動春雷



明朝數點簾纖雨盡說財神帶雨來

祝神謠

爲陳氏獲地金作

地中金神所守神何之陳氏有掘七缸金百斗酹神庠  
雞豕狗東家西家競奔走大薦厥鄉稽厥首拜神祝神  
福誰某神冥冥不知醜徒費金錢夫呪婦陳氏聞之笑  
掩口

督河使院啖荔呈高東軒先生

荔閩產也遠者以耳食不得且心醉有以鹽浸  
蜜浸間關數千里者其真雖損猶勝常果子謂  
京師馬乳葡萄殆不少遜自來江南七載思荔  
而不及馬乳故土之戀未釋也六月朔日河院  
得此奚翅拱壁爲詩誌之猶楚吟乎

鹿皇詩集

卷四

天

河平水落鯉魚肥鈴閣風清晝漏稀忽有海仙來入夢  
膚如白玉絳羅衣座間吳客俱驚詫解剝凝脂撲鼻穢  
念茲本是王家貢菁茅包匭相因依得入潭潭公府裏  
紅菱白藕氣已微閩中老子歎離索他鄉邂逅瘳渴飢  
烏石連天紛刺眼烏石閩產荔之鄉也一時乍啓故園扉有似醉  
酒兼飽德賓筵樂事幾忘歸或云方物何足戀拘墟之  
見世所訕龍門羣鯉亦到此乘運寧論躍與飛

雜感

獼猴人面不能言麻姑鳥爪成神仙人面噬人鳥入道  
一體變易何其然青鸞本是仙家物偶傳指爪在人間  
虺蜴方張鬼蜮技面目竊似毒愈堅先王仁恩及民物  
鑄鼎象物別神奸寇賊姦宄不及鑄我冠博帶豐其顏  
天地之大猶有憾千古疑義誰能詮

昆吾雖利脫無辜白羽雖銛發豈徒無端睚眦向前去  
殺人不顧血模糊黃昏馳馬臨狹道意氣驕矜醉欲倒  
石齒嵯峨馬足傷千金之軀不能保昆吾雖利已去腰  
白羽雖銛空翠翹有仇伺隙扼其首魄方入地魂凌霄  
却悔春秋多事日磨刀淬鏑成疾疾殺人者死白昔然  
鹿皇詩集 卷四

元

挾讐相報無時畢

白雲東走赴滄溟赤日流光照戶庭朝朝景象在耳目  
混元千古書青冥我心動靜亦如此日光雲影昭雙清  
迅雷風烈本常有至人寵辱總不驚皐夔勲業猶可見  
孔顏樂處更難明一已觀心不自得無怪下士蒼蠅聲  
在梁之鵲不濡喙鷺鳴之雉聲惟雉羽蟲同類不同羣  
無端又見同室鬪鄉隣閉戶猶可逃頓騎屋山悍於寇  
可憐掌握無斧柯荆棘不鋤徒手袖權移時去古所嗟  
猛政還須強項守昌黎不待玉川來買羊沽酒誰相就  
中秋辜負月明天江波空作雙眉皺



稽叔夜隱於鍛水火克剛柔斷水火不克升降乖剛柔  
不斷陰陽亂千斤精金入鍛爐鑄成寶劍光燦爛上燭  
天門貫索空下祛地軸妖兇散元功不顯亦不尸紛紛  
劍俠等塗炭如何殺戮累養生豈是神仙尸解慣丹成  
九九數已窮景純同歸應合傳

芝蘭在室蒼蠅避蔗漿在地螻蟻萃二蟲齷齪已可憎  
未若黠鼠猾而驚公然白日伺人踪香臭無分竊嘗試  
床頭米甕鏟有聲猶搜餘粒連羣至壁間短褐掛蒙戎  
競嚙袂裾紛破碎貧窮於汝亦何仇蹂躪無端不可治  
萬斤之弩莫發機巨石欲投又隣器會須熏穴擒渠魁  
鹿皇詩集 卷四 三

揮刀格磔尸諸市

肥水清秦人猶未兵淝水濁秦兵死相續北風凜凜鶴  
聲悲認鶴爲軍軍心離不善將兵兼將將可憐芳草掩  
肌毗苻秦不是嬴秦比淝兵却似長平裏自相蹂躪不  
顧生人人祇爲風鶴死爭王圖伯亦一時世間自有真  
天子

五月六日時移事去王子作此詩也

去年此日巡海塘上公節鉞光煌煌樓船蔽江抵張堰  
繡夫恰有三千強蚩尤揚威方震怒飛灑馬鬣傾淋浪  
猩紅之衣雨中立泥水沒脛不敢康役夫索食吏呼馬

嗷嗷衆口生謗傷上公停船問行李從官兩岸爭踉蹌  
海塘潭爛三十里跣足無有完衣裳供帳一餐飭厨傳  
六畜叫嘯踰山岡慎莫近前驚左右祗恐非福能爲殃  
歸來十日攝魂魄耳中猶響鐵錘鐺少年但道爲官樂  
辟除行人意氣揚一旦當途遇盤錯不及走卒徒奔忙  
民事絲毫無裨益不能補助困瘼瘡俗弊風頽曾莫挽  
尸素日日偷太倉當時棄官猶未得卽今官棄愧岩廊  
建溪憂鍋行

憂鍋者禁語也舟人曉起亟憂其鍋客有語者  
是日輒不利夫多言招尤不獨行路也余于茶

鹿皇詩集

卷四

三

陽黯淡之間終日屏息過萬石灘作此

停篙結纜河之滸買柴沽酒山之塢東方未明聿有聲  
前船後船憂其釜舟子無言客不譁客若有言舟子怒  
茶陽水激逾沸羹黯淡石叢如虓虎阿彌以上尚奔瀧  
朝朝啓行利用祖我聞此言覺栩栩詢于藟莢良有補  
維錡及釜總屬金金人三緘原有取吁嗟古之慎言人  
寓物垂戒靡定所正襟危坐過洶濤戰兢何處非篤祐  
前詩旣成舟子曰客自抒其意耳願爲棹歌發我

也戲答之

憂我鍋聲鏘鏘整我篙堅且強我鍋憂罷我篙行不言



不語是爲禳大水大湘小茶陽黯淡阿彌至九昌出我  
乳力本爺孃朝朝送客方未央高者使平險者康

河水驟退歌寄郭旣明

郭在口外運糧河水  
暴漲爲文祭之遂退

河之水從天來渾無垠濟無限欲濟未濟聲如雷公曰  
衆母猜狂瀾力可回焚䟽籲天天爲開須臾水勢急傾  
頽坐銷一丈如排摧騎牛競渡何快哉峙糧堆積高千  
臺飽我軍士歌臺萊祗今河水不爲災吁嗟乎郭公真  
有濟川才

合歡詞

黃絲歷亂綠絲長黃以爲衣綠爲裳服以事君吉且祥

鹿皇詩集

卷四

三

同盛同衰方未央食梅苦酸衆所嘗五味彌甘是蔗漿  
銀燭高燒徹洞房燭花焰焰照肝腸明朝皎日出東方  
心悅君兮君不忘

聽道人彈圮橋進履操

大雅不作聲微茫朱絃往往墜箏簧有唐一代辨音律  
昌黎十操誰頡頏躋攀分寸不可上失勢忽落千丈強  
每誦兩言渾未解紛紛諸譜俱荒唐西江道人操進履  
恰與韓詩互抑揚初似桃源引舟子迷途風景乍蒼黃  
繼如武皇降王母欲見未見心徬徨大都兒女變勇士  
詠諧逼肖真張良于時起坐三嘆息不圖絕響掃求風

我有鏡歌學朱鷺未堪七德並揄揚焉得通宵達明堂  
被之絲管方未央

追述他齋看花用昌黎寒食日出遊韻

一春無處可療病忽憶君家花始盛編籬三大翠屏開  
引翼繁枝互相映寶相離披雜麗春後先紅綻如爭競  
夜來微雨促封姨嫣然欲語待吟咏不是愛花只欲死  
少陵詩句未傷正走馬來看貴及時逝者風光實難更  
日居月諸不少留當前止足乃知命若營金谷備羣芳  
造物已復司其柄羨君赤手闢茲園一年一度足稱慶  
有水盈池花可澆有蔬滿蹊客可敬柴扉鎖鑰慎閉關

鹿臯詩集

卷四

三

竹下石床閒且曼玻璃新釀三百壺我來不飲負中聖

中川雅量醉復醒

康中川亦  
友之豪者

醉時似將以日併留連花

下幾忘歸滿頭高挿適情性無端惡少急喧嘩隔籬呼  
取意何橫不聞折柳衛狂夫粗豪之氣須遠逆我將折  
此寄西方莫待摧殘空對鏡主人無言知我心有花不  
御誰爲政呼僮更把菊花栽新苗加植去老勁興來相  
就復何如勝遊暇日在秋令

酬孫靜軒先生授春秋義

經書傳註童而肄褒貶是非拘以例不拘例者爲良模  
諸儒講解鑿其義何鄭樹幟號專門未融筆削知與罪



先生講解真啓蒙屬詞比事餘可棄卽經考事昭列眉  
卽事見義統鉅細王春日月爵氏名禮樂政刑歸正諦  
措之家國體之身萬古禮防興不廢所願暇日註他經  
前人未發發其秘我姿雖困尚勉旃諸編籍籍巾箱備  
屠龍劈麟謝上帝斯文幸不墜於地

追述藍鹿洲失古劍

綠光爛爛逾三尺英風凜凜動顏色延平城下去年遊  
神物不化隨京國自從佩此祛兇妖赤手翦斷東寧棘  
功成不受爵祿封愛劍何曾誇殺賊無端風雨撼燕山  
頭上雷公轟霹靂疑是六丁下取將蛟螭却走搜東壁

鹿臯詩集

卷四

畜

起視龍精乍有無魚皮木鞘空飛擲壯士徬徨色惘然  
主人耿介意可惜昔我亦有切玉刀遠遊恐爲鬼神索  
收拾瑤函掛藥房丁寧稚子勤拂拭昨宵雷雨徹東南  
遮莫雌雄生羽翼神物聚散各有時安能株守長寂寂

桃花竹

昔聞少陵桃竹杖今看桃竹正交花何年盤根遂同氣  
鄂然常棣紛天葩荏苒條枚猶見節如蟠似个生參差  
或云此是神仙物朱顏燦爛明朝霞瑤池之旁閬苑側  
托生根蒂偷丹砂如何流落染塵俗令我花時重嘆嗟  
願餐霜雪老厥質江心蜃石謝朝華盤錯虬龍端有取

行將仗汝遊天涯

遊仙詩

我思仙人裨海東三千弱水蓬萊宮宮中鸞鳳趨匆匆  
是曰貝闕與天通十二樓臺矗縹緲淮南前導八公從  
安期種瓜在何許曾聞挾策謁重瞳重瞳不用遽亡去  
肯與蒯通並受封神仙本是有心者踞床天子豈能庸  
爰有東海魯連子光明沉識將母同脫然避世標高蹤  
抵今姓字垂清風當年定當入海先梅福抑或窮山歷  
水待葛洪神仙本是有心者燒丹養永徒虛空黃金可  
成河可塞雖有其語無其功碧雞金馬亦寥寂柏臺芳

鹿臯詩集

卷四

三

草哭秋蟲





